

Mes num: _____

Chalender per

l'emna

sontga

enfin

Pasca

L' emna avant Pasca ha num „emna sontga“.

Per tudestg ha ella num „Karwoche“.

„Kar“ signifitga: tristezza.

Impurtants dis da quell'emna èn la D _____,


la G _____, il V _____

e la S _____.

Dumengia da Palmas




Gievgia sontga




Colurescha ils 4 maletgs. Colurescha violet la taila sin la crusch pitschna. Sin la crusch gronda tatga duas strivlas da palpìr nair. Scriva sin la chandaila pascala il onn.

Venderdi sontg




Sonda sontga



Dumengia da Palmas

Jesus entra a Jerusalem



La festa dal Passa s'avischinava.

Da tuttas varts vegniva la gliעד
vers Jerusalem.

Er Jesus è sa mess sin via cun ses
giuvnals. Dus giuvnals han manà
in asen tar Jesus ed han rasà lur
mantels sin quel, e Jesus è sesì lasura.

Cura che la gliעד ha vis che Jesus
entra sin in asen a Jerusalem, èn els
currìds natiers ed han giubilà:

„Osianna! Benedì saja quel che vegn
en il num dal Segner.“

Els han tratg ora lur mantels ed han
rasà els sin via. Intgins han sdrappà
giu frastgas da palmas.


Mo Jesus aveva era inimis. Jesus ha
sentì che ses temp da patir s'avischina.



*Entant è in vegnì
sin in asen,
l'animal da sauma,
l'animal da
chavaltgar dals povers.
L'asen n'è betg simbol
per guerra,
mabain per la pasch.
E quel che sesa sin el
na vul betg conquistar.
Mo el è tuttina in retg
cun in reginavel ch'ins
na sa betg descriver
cun plets da pussanza.*

Glindesdi

En il tempel da Jerusalem



Qua pos ti tatgar si las duas maisas dals martgadants (ord palpìri brin). Scriva ina frasa sin las lingias tranter las maisas che sa cunfa cun il tema.

Cun in perforader pos ti far munaida ord palpìri d'aur e d'argient e tatgar ella sin las maisas.

Jesus fa urden

Jesus va en il tempel da Jerusalem. Là era in dretg travasch. En il pieren dal tempel avevan martgadants mess si maisas. Els vendevan animals d'unfrenda: columbas e nursas. Igl era ina canera sco sin in plaz da martgà. Qua vegn Jesus tras la porta. Cura ch'el vesa ils martgadants ed auda lur canera, va el vi tar els e cloma plain gritta: „Tge pensais vus insumma? Quai è la chasa da Dieu. Ina chasa d'uraziun duai quai esser. Mo vus? Tge avais vus fatg ordlonder? Ina tauna da rubadurs!“ El cupitga las maisas, uschia ch'ils raps rodlan giun plaun.

Mardi

Jesus en il tempel

Jesus va la damaun baud en il tempel. Bliers carstgauns èn gia radunads là. Els dumondan el: „Mussader, qual cumandament è il pli grond?“

Jesus respunda: „Ti duais avoir gugent tes Dieu da tut tes cor, da tut ti' olma e da tut tes spiert. Quai è il pli grond ed emprim cumandament. Il segund è sumegliant a quel: Ti duais avoir gugent tes proxim sco tatez.“



Pleds da cumià

Jesus ha bandunà il tempel ed è s'allontanà. El è sin il Culm da las ulivas ed ha discurrì là cun ils giuvnals.


Mes uffants, be anc curt temp sun jau cun vus. Vus vegnis a tschertgar mai, ma jau di a vus: Nua che jau vom, na pudais vus betg ir. Ma in nov cumandament dun jau a vus: Ama in l'auter, sco che jau hai amà vus, uschia duais er vus amar in l'auter.

Sche vus amais mai, vegnis vus a tegnair mes cumandaments. Jau vegn a rugar il Bab, ed el vegn a dar a vus in auter gidanter, per ch'el restia adina cun vus. Igl è il Spiert da la vardad.

Mesemna

Agitaziun en il palaz dal autsacerdot

En il palaz dal autsacerdot Caifas sa radunan ils primsacerdots, ils enconuschiders da la lescha ed ils vegls dal pievel. Els han tema che Jesus veglia surmanar il pievel e ch'el procura per dischurden. Els tramettan spiuns e decidan da prender en fermanza Jesus e da mazzar el.



Vi da quest maletg da Jerusalem sas ti t'imaginar, tge ch'è tut capità en las singulas chasas e sin il Culm da las ulivas al temp da la Gievgia sontga enfin Pasca.

A.chasa da la S. Tschaina

C.Val Kidron

E.palaz dal autsacerdot

G.palaz da Herodes

J.Golgota

L.mir dal tempel

B.Mir da citad

D.iert da Getsemane (Culm d. ulivas)

F.palaz da Pilatus

H.chastè Antonia

K.tempel

M.citad inferiura

Colurescha il mir da citad, il tempel ed il mir dal tempel mellen, il iert da Getsemane verd, la chasa da la S. Tschaina brin cler e Golgota brin stgir.

Judas Ischariot, in dals dudesch giuvnals, vul che Jesus vegnia avant dretgira. El spera che Jesus sa dostia là, che Jesus daventia là in grond retg e ch'el libereschia il pajais dals Romans.

Judas va tar ils primsacerdots e tradescha Jesus. Ils primsacerdots sa legran ed empermettan ad el sco paja 30 daners d'argient. Judas tschertga ina pussaivladad da pudair surdar Jesus a la schuldada.



Gievgia sontga

L'ultima S. Tschaina

Il di era arrivà, al qual i vegniva festivà Passa. Vers saira vegn Jesus cun ils auters giuvnals en ina sala. Avant che sa metter a maisa, sa lia Jesus enturn in lenziel, svida aua en in zaiver, porta quel tar ils giuvnals, sa sbassa avant els e cumenza a lavar ils pes ad els.

Qua pos ti tatgar si il maletg cun Jesus che lava ils pes als giuvnals.

.... e Jesus è daventà sco in sclav e sumegliant als carstgauns.

El è sa umilià e sa sbassà en la pulvra.

Profund engiu...

Ed ha fatg tschuf sia detta,

ha lavà ils pes als giuvnals -ils pes - betg il chau

ed ha uschia mussà sia tenuta da viver:

Amai in l'auter, sco che jau hai amà vus.

Ils giuvnals sesan a maisa e guardan plain mirveglias sin Jesus. Mo Jesus di trist: „Quai è l'ultima giada che jau mangel cun vus. Prest na vegn jau betg pli ad esser tranter vus.“ Lura prenda Jesus il paun, engrazia a Dieu, rumpa el, dat el a ses giuvnals e di: „Prendai e mangiai! Quai è mes corp, che vegn dà vi per vus.“

Lura prenda el era il chalisch, engrazia a Dieu, dat el a ses giuvnals e di: „Bavai tuts or da quell! Quai è mes sang, che vegn spons per vus en remischun dals putgads.“

Taglia ord palpieri brin la maisa da la S. Tschaina.

Taglia ord palpieri alv u/e mellen il paun ed il chalisch e tatga si els.



Per tudestg ha la Gievgia sontga num: „Gründonnerstag“. „Grün“ vegn en quest cas dals plets: „greinen“ = „weinen“ e n'ha da far nagut cun la color verda.

Il patir da Jesus (1)

Jesus ura a Getsemane

Suenter la S. Tschaina va Jesus cun ses giuvnals giuador e vi da l'otra vart dal Kidron. Là era in curtin cun num Getsemane.

Quietamain va el ordavant a ses giuvnals fin ch'els arrivan al curtin. „Stai qua“, di Jesus ad els, „e spetgai sin mai! Jau vi ir en il curtin a far uraziun.“ Mo trais giuvnals ha el prendì cun el en il curtin: Petrus, Jacobus e Joannes. Suenter ch'els eran ids in toc ensemen, sa ferma Jesus tuttenina. El trembla vi da l'entir corp e vesa ora trist per murir. „Jau hai grond' anguscha“, di el a ses giuvnals. „Spetgai qua e vegliai cun mai!“ Jesus dentond va anc pli lunsch viaden en il stgir dal curtin, stat là en schanuglias e discorra cun ses Bab en tschiel: „Mes Bab“, ura el „sch'igl è pussaivel, na lascha betg patir mai! Dentant betg sco che jau vi, ma bain sco che ti vuls, duai quai daventar.“



Ditg stat Jesus en schanuglias giun plaun e fa uraziun.

Lura stat el sidretg e turna enavos tar ils giuvnals. Ma quels n'audan betg ch'el vegn. Els giaschan per terra e dorman. Qua dasda Jesus els e di: „Stai si! Na savais vus vegliar gnanc in'ura cun mai? Igl è uras. Prest vegnan els a vegnir ed a metter en fermanza mai. Guardai, il traditur è gia qual!“

Jesus vegn mess en fermanza

Tuttenina èn ils giuvnals alerts. Els audan vuschs en il curtin. Tizuns sbrinzlan. Umens cun bastuns e spadas vegnan natiers: la schuldada da l'auptsacerdot. Era Judas è cun els. El va ordavant als auters. Gia stat el davant Jesus. El salida e bitscha el. „Pertge es ti vegnì, mes ami?“, dumonda Jesus. Judas dentant na respunda betg.

E Jesus sa volva vers la schuldada che tegna el e dumonda els: „Pertge vegnis vus tar mai cun bastuns e spadas e liais mai sco in rubadur?“ Cura ch'ils giuvnals audan e vesan quai, tschiffan els gronda tema. Svelt fugian els en tut las varts e laschan Jesus sulet.



Il patir da Jesus (2)

Jesus vegn interrogà

La guardia maina Jesus tar il palaz dal autsacerdot Caifas. Qua auza l'autsacerdot il maun e di: „Jau cumond a tai en num da Dieu: Di la vardad a nus! Es ti il Cristus, il Messias, il Figl da Dieu? Gea u na?“ „Gea, ti dis quai“, respunda Jesus uschia cler e bain che mintgin en sala chapescha quai. Qua stgarpa l'autsacerdot ses vestgì e cloma: „El ha blasfemà! Tge duvrain nus anc perditgas? Vus avais udì tuts, tge ch'el ha ditg. Tge manegiais vus? Tge chasti merita el?“ „El sto murir“, sbragian tuts. „Gea, murir sto ell!“



Petrus snega Jesus

Dadora en la curt avant il palaz spetgavan ils umens ch'avevan mess en fermanza Jesus. Qua s'avra la porta. In um sa schluita en la curt. Cun tema guarda el enturn. Ma nagin na fa stim dad el. Quai è Petrus, il giuvnal da Jesus. El era suandà Jesus enfin en quel lieu. El vuleva savair, tge che succedia cun Jesus. Uschia va el vi sper il fiu tar ils umens e taidla. Uss va ina fantschella vi tar Petrus. Ella examinescha el da sisum fin giudim e cloma: „He, ti! Ti tutgas bain er tar quel Jesus.“ Petrus siglia plain tema en pes. „Na!“ cloma el. „Tge dis ti qua? Jau na sai gnanc, tgi che ti manegias.“ Spert curra el vers la porta e vul fugir. Ma là sper la porta stat in'otra fantschella. Quella serra giu la via a Petrus, mussa cun il det sin el e cloma: „Guardai! Quel tutga er tar quel Jesus!“ Petrus sto retegnair il flad. „Na, na!“ cloma el anc ina giada. „Jau n'enconusch gnanc quest Jesus.“ Ussa vegnan er auters vitiers e cloman: „Bain! Bain! Tai enconuschain nus bain. Ti tutgas er tar quest Jesus. Ti vegns bain da la medema cuntrada sco el. Ins senta quai vi da tia pronunzia.“ „Na, na, na!“, cloma Petrus. „Jau di a vus, jau n'enconusch betg quel carstgaun.“



Qua chanta in cot. Tuttenina vegn quai endament a Petrus, tge che Jesus aveva ditg: „Avant ch'il cot chanta, vegns ti a snegar mai trais giadas.“ Petrus fugia or da la curt e bragia pitras larmas.



Venderdi sontg

Jesus vegn sentenzià




La notg era passada. In nov di aveva cumenzà. L'auptsacerdot lascha Jesus manar la damaun baud tar il procuratur roman Pontius Pilatus. Pilatus dumonda Jesus: „Es ti il retg dals Gidieus?“ „Gea“, respunda Jesus, „jau sun quel.“ Pilatus daventa malsegir. Tge duai el far? Sentenziar Jesus? Er sch'el era forsa tuttina innocent? U duai el dar liber el? Tutenina ha el ina idea. El cumonda a ses schuldads: „Giai en la praschun per l'assassin Barabbas e vegni cun el tar mai!“ Pilatus maina Barabbas e Jesus avant il palaz e cloma a la gliעד che spetgava là: „Tadlai, vus Gidieus! Vus avais damaun ina festa. In praschunier vi jau dar liber a vus. Schai sezs tgenin che vus vulais: Barabbas u Jesus?“ Il pievel sbragia: „Barabbas!“ „Ma tge duai jau lura far cun Jesus?“ dumonda Pilatus. „Vid la crusch cun el!“ sbragian tuts.





Jesus vegn giaschlà e beffegià



Qua lascha Pilatus purtar in lavandin cun aua e sa lava ils mauns avant tuts, sco per dir: Jau n'hai nagut da far cun quest! Ed el cloma dad aut: „Jau sun senza culpa areguard la mort da quest carstgaun. Prendai el e faschai cun el, tge che vus vulais!“ Sin quai ha la schuldada giaschlà Jesus. Els han plegà ina curuna da spinas e l'han mess sin ses chau. Els han tratg en ad el in mantel da purpura, èn vegnids natiers ed han ditg: „Salid a ti, retg dals Gidieus!“ ed han dà schleppas ad el. Cura ch'il pievel ha vis Jesus, han els sbragì: „Vid la crusch, vid la crusch cun el!“ Pilatus ha ditg ad els: „Prendai vus el e crucifitgai el!“



Via da la crusch e crucificaziun



Davant ils mirs da citad sa chatta la collina Golgota. Là dueva Jesus vegnir crucifitgà. La schuldada runa natiers ina crusch da lain, chargia ella sin dies a Jesus e maina el viador la citad. Ma la crusch è memia greva. Jesus dat quasi ensemen. Qua cloma la schuldada natiers in um. Quel, Simon da Cirene, vegniva gist dal funs. Els sforzan quel da purtar la crusch. Ina gronda fulla da gliעד suandava el, era dunnas che pliravan per el. Qua è Jesus sa vieut vers ellas ed ha ditg: „Betg sbragir per mai! Sbragi plitost per vus sezzas e per voss uffants!“ Arrivads al lieu numnà Chavazza han els crucifitgà Jesus. Era dus malfatschents èn vegnids crucifitgads cun Jesus, a dretga e sanestra dad el. Sisum la crusch avevan els mess ina tavla, sin quella steva scrit: I.N.R.I. (Jesus Nazarenus Rex Judeorum). Quai vul dir: Jesus da Nazaret, il retg dals Gidieus.

La mort da Jesus


Suenter che la schuldada ha gì crucifitgà Jesus sa mettan els sut la crusch e tiran la sort sur da la vestgadira da Jesus.

„Ha“, beffegia in dals malfatschents, „sche ti es il retg, mussa a nus, tge che ti sas!“ Tschel ha ditg: „Jesus, ta regorda da mai, cur che ti vegns en tes reginavel!“ E Jesus ha respundi: „En vardad, jau di a tai: anc oz vegns ti ad esser cun mai en il paradis.“ „Gea“, din er auters che van sper la crusch vi. „Ve tuttina giu da la crusch, sche ti es il Figl da Dieu!“ „Gea, endretg uschia“, beffegian er ils sacerdots ed ils cussegliers. „Guardai! Auters ha el gidà. Ma sasez na sa el betg gidar.“

Sper la crusch da Jesus steva sia mamma e sper ella il giuvnal ch'el aveva gugent. El ha ditg a sia mamma: „Quai è tes figl.“ Lura ha el ditg al giuvnal: „Quai è tia mamma.“ E da quell'ura davent ha il giuvnal prendì ella en chasa sia.


Igl era gia enturn la sisavla ura. Qua è vegnì ina stgiradetgna sur tut la terra, fin a la novavla ura, damai ch'il sulegl aveva pers sia glisch. Vers la novavla ura ha Jesus sbragì cun auta vusch: „Mes Dieu, mes Dieu, pertge has ti bandunà mai?“ Lura ha el ditg: „Jau hai said.“ Là steva in vasch plain aschieu. Ins han fitgà ina spungia emplenida cun aschieu sin ina lantscha e tegnì quella si tar sia bucca. Jesus ha prendì l'aschieu ed ha ditg: „Bab, en tes mauns surdun jau mes spiert.“ Cun quels plets è el mort.

E la tenda dal tempel ha survegnì in stgarp da sisum fin giudim, la terra ha stremblì e la grippa è sa fessa. Cura ch'il chapitani e quels che pertgiravan Jesus ensemen cun el, han vis tut quai, han els tschif gronda tema ed han ditg: „Pelvair, quel è stà il Figl da Dieu!“




Jesus vegn mess en fossa

Igl era vegnì saira. Il sulegl era gia per tramuntar. Ma Jesus pendea anc adina vi da la crusch. Sulettamain anc intginas dunnas eran là tar Jesus. Tranter ellas eran er Maria e Maria Magdalena, ina cumpogna da Jesus. Qua vesan ellas in um a vegnir. Quai era Josef d'Arimatea, in um ritg ed in ami adascus da Jesus. Quel prenda il corp da Jesus giu da la crusch, zuglia el en lenziels alvs e porta el precautamain da la collina giu. Là sa chattava ses curtin. En quel era ina fossa tagliada en il grip. En quella metta el Jesus e rodla in grond crap avant l'entrada.




L'auter di è in di da festa. A Jerusalem paussa tutta lavur. Be ils sacerdots ed ils cussegliers na chattan betg paus. Els pondereschan: Forsa vulan ils giuvnals engular Jesus ord la fossa? Lura veggian els a pretender che Jesus na saja gnanc mort. Perquai van ils sacerdots anc quel di tar Pilatus e supplitgeschan el: „Metta ina guardia che pertgira la fossa!“ Pilatus dat ad els guardias che duain pertgira la fossa di e notg.



Sonda sontga

La fossa en il curtin



Taglia or da palpiri brin u grisch la fossa e tatga si ella.
Taglia medemamain ora in crap e tatga el avant
l'entrada da la fossa.

La Sonda sontga è per ils cristians in di da silenzi e da tristezza. Nus ans regurdain da la passiun e dal patir da Jesus. Nus pensain magari er vi da noss defuncts.

Dapi Gievgia sontga saira na sunan ils zains betg pli. Als uffants raquint'ins ch'ils zains sgolian quels dis a Roma e ch'els turnian per Sonda sontga saira puspè.

La Sonda sontga è er il di ch'ins sa legra da la festa da Pasca. Il temp da Curaisma va a fin e tut sa prepara per la levada da mort en vita da Jesus.

Jau sun la porta.
Jau sun la via.
Jau sun il bun pastur.
Jau sun la vit e vus essas las frastgas.
Jau sun la glisch dal mund.
Jau sun il paun da la vita.


Jau sun la porta.
Jau sun la via.
Jau sun il bun pastur.
Jau sun la vit e vus essas las frastgas.
Jau sun la glisch dal mund.
Jau sun il paun da la vita.

Jau sun la porta.
Jau sun la via.
Jau sun il bun pastur.
Jau sun la vit e vus essas las frastgas.
Jau sun la glisch dal mund.
Jau sun il paun da la vita.

Dumengia da Pasca

Jesus è levà da mort en vita

Il di da festa era passà. In nov di aveva cumenzà. Igl era anc quiet e stgir a Jerusalem. Duas dunnas eran dentant gia sin viadi: Maria e Maria Magdalena. Ellas gievan a la fossa da Jesus ed avevan cun ellas ina cria cun ieli da buna odor. Cun quel vulevan ellas balsamar la bara da Jesus. Ellas sa dumondan plain quitads: „Tgi dosta il crap per nus?“ Mo stai! Tutenina datti in terratreml. In chametg croda da tschiel uschia cler che las guardias a la fossa crodan per terra da la tema. Spert curran ellas vi tar la fossa e guardan viaden. Ma – tge è quai? La fossa è vida! Na, betg vida! In um seseva a l'entrada dal cuvel. In anghel en vestgì gliscent. L'anghel di: „Betg sa temai! Jau sai tgi che vus tschertgais: Jesus ch'ins ha crucifitgà. Ma el n'è betg qua. El è levà da mort en vita, sco ch'el ha già ditg. Vegni e guardai, nua ch'el era tschentà!“ Las dunnas na san betg, tge ch'ellas duain dir. Tremblond guardan ellas viaden en la fossa averta. E vairamain. Igl è sco che l'anghel ha ditg: la fossa è vida. Ussa festinan las dunnas da turnar enavos en citad. Ed ellas arrivon tar ils giuvnals e portan la nova ad els.



Tatga qua or da palpì mellen e
cotschen in sulegl. Tatga ils pìeds da
Jesus sco radis enturn il sulegl. Tgenins
dus pìeds plaschan il meglier a tai?
Marchescha els cun ina color.

Guardai, jau sun cun vus tut ils dis fin a la fin dal mund!

Jesus – Quiz (sligiazium)

<p>Co senumna il marcau principal da Judäa?</p> <p>a. Betlehem b. Jerusalem x c. Nazaret</p>	<p>Co ei Jesus entraus a Jerusalem?</p> <p>a. sin in cavagl b. sin in asen x c. a pei</p>
<p>Tgeinina fiasta vegneva festivada a Jerusalem?</p> <p>a. la fiasta dallas camonas b. la fiasta da Pastgas c. la fiasta da Pasha x</p>	<p>Nua ha Jesus festivau cun ses giuvnals?</p> <p>a. el tempel b. el palaz da Herodes c. ella casa dalla s. Tscheina x</p>
<p>Tgei magliavan ils giuvnals e Jesus dalla s. Tscheina?</p> <p>a. olivas, figs e buglia d'aveina b. paun senza levon e vin x c. latg e mel d'aviuls</p>	<p>Jesus ha fatg in survetsch als giuvnals:</p> <p>a. el ha lavau ils cavels ad els b. el ha tagliau la barba ad els c. el ha lavau ils peis ad els x</p>
<p>In giuvnal ha tradiu Jesus. Tgeinin?</p> <p>a. Simon Pieder b. Judas Iscariot x c. Barabbas</p>	<p>Tgei di patertgein nus vid la mort da Jesus?</p> <p>a. Venderdis sogn x b. Sonda sontga c. Pastgas</p>
<p>Suenter la tscheina ei Jesus ius cun ils giuvnals tier in curtgin. Co veva quel num?</p> <p>a. Getsemani x b. Golgota c. Betania</p>	<p>Tgei han ils giuvnals ch'eran cun Jesus fatg?</p> <p>a. els han fatg oraziun cun el b. els vegliavan e devan adatg c. els durmevan x</p>
<p>Tgei enzena veva il traditur fatg giu cun la schuldada?</p> <p>a. el mussava cul det sin Jesus b. el deva a Jesus ina buna x c. el malegiava ina crusch el sablun avon Jesus</p>	<p>Ord spir tema ha in giuvnal snegau treis gadas Jesus. Tgi era quei?</p> <p>a. Pieder x b. Gion c. Andriu</p>
<p>Tgi era il procuratur roman?</p> <p>a. Caifas b. Pilatus x c. Augustus</p>	<p>Tgeinin perschunier han ei dau liber?</p> <p>a. Nicodemus b. Barabbas x c. Jesus</p>
<p>Tgi ha gidau a purtar la crusch a Jesus?</p> <p>a. in schuldau b. il giuvnal Gion c. il pur Simon da Cirena x</p>	<p>Nua han ei crucifigau Jesus?</p> <p>a. sil cuolm dallas ulivas b. sil cuolm Sinai c. si Golgota x</p>
<p>Tgei munta il plaid „Golgota“?</p> <p>a. avon la porta b. cavazza x c. sil crest</p>	<p>Tgei munta il plaid „Kar“?</p> <p>a. ner b. tristezia x c. ruaus</p>
<p>Tgei di seregurdein nus dalla entrada da Jesus a Jerusalem?</p> <p>a. Gievgia sontga b. Dumengia da Palmas x c. Pastgas</p>	<p>Tgei ei schabegiau la Gievgia sontga?</p> <p>a. Jesus ha fatg uorden el tempel b. la davosa s. Tscheina x c. Jesus era avon dertgira</p>

Jesus – Quiz

<p>Co senumna il marcau principal da Judäa?</p> <p>a. Betlehem b. Jerusalem c. Nazaret</p>	<p>Co ei Jesus entraus a Jerusalem?</p> <p>a. sin in cavagl b. sin in asen c. a pei</p>
<p>Tgeinina fiasta vegneva festivada a Jerusalem?</p> <p>a. la fiasta dallas camonas b. la fiasta da Pastgas c. la fiasta da Pasha</p>	<p>Nua ha Jesus festivau cun ses giuvnals?</p> <p>a. el tempel b. el palaz da Herodes c. ella casa dalla s. Tscheina</p>
<p>Tgei magliavan ils giuvnals e Jesus dalla s. Tscheina?</p> <p>a. olivas, figs e buglia d'aveina b. paun senza levon e vin c. latg e mel d'aviuls</p>	<p>Jesus ha fatg in survetsch als giuvnals:</p> <p>a. el ha lavau ils cavels ad els b. el ha tagliau la barba ad els c. el ha lavau ils peis ad els</p>
<p>In giuvnal ha tradiu Jesus. Tgeinin?</p> <p>a. Simon Pieder b. Judas Iscariot c. Barabbas</p>	<p>Tgei di patertgein nus vid la mort da Jesus?</p> <p>a. Venderdis sogn b. Sonda sontga c. Pastgas</p>
<p>Suenter la tscheina ei Jesus ius cun ils giuvnals tier in curtgin. Co veva quel num?</p> <p>a. Getsemani b. Golgota c. Betania</p>	<p>Tgei han ils giuvnals ch'eran cun Jesus fatg?</p> <p>a. els han fatg oraziun cun el b. els vegliavan e devan adatg c. els durmevan</p>
<p>Tgei enzena veva il traditur fatg giu cun la schuldada?</p> <p>a. el mussava cul det sin Jesus b. el deva a Jesus ina buna c. el malegiava ina crusch el sablun avon Jesus</p>	<p>Ord spir tema ha in giuvnal snegau treis gadas Jesus. Tgi era quei?</p> <p>a. Pieder b. Gion c. Andriu</p>
<p>Tgi era il procuratur roman?</p> <p>a. Caifas b. Pilatus c. Augustus</p>	<p>Tgeinin perschunier han ei dau liber?</p> <p>a. Nicodemus b. Barabbas c. Jesus</p>
<p>Tgi ha gidau a purtar la crusch a Jesus?</p> <p>a. in schuldau b. il giuvnal Gion c. il pur Simon da Cirena</p>	<p>Nua han ei crucifigau Jesus?</p> <p>a. sil cuolm dallas ulivas b. sil cuolm Sinai c. si Golgota</p>
<p>Tgei munta il plaid „Golgota“?</p> <p>a. avon la porta b. cavazza c. sil crest</p>	<p>Tgei munta il plaid „Kar“?</p> <p>a. ner b. tristezia c. ruaus</p>
<p>Tgei di seregurdein nus dalla entrada da Jesus a Jerusalem?</p> <p>a. Gievgia sontga b. Dumengia da Palmas c. Pastgas</p>	<p>Tgei ei schabegiau la Gievgia sontga?</p> <p>a. Jesus ha fatg uorden el tempel b. la davosa s. Tscheina c. Jesus era avon dertgira</p>